

Reichpredigt.

Sohn/ wolte Gott/ ich möchte vor dich gestorben sein/ so were es/ als were ich nicht gestorben/ denn ich hatte meines gleichgähnder mir gelassen/ zum schutz gegen meine Feinde vnd meinem Hause vnd Lande zu trost. Aber nun ist meines herzen frewd vnd alle lust dahin/ Meine Harpffe ist ein klage worden/ vnd meine Pfeiffe ein weinen/ Ich werde meine grawe Haar mit kümmerlich in die Gruben bringen/ ach Sto to/ mein Sohn/ mein Sohn.

Es sage nu die hinderlassene/ junge F. Wittibe / ja leider sagt sie es/ vnd wie Rahel ihre Kinder/ also beweinet sie ihren Herrn/ vnd will sich nicht trösten lassen spricht: Ach mein herz/ mein schatz/ du trewer Heldt/ mein lieber Herr vnd werther Fürst den ich so von herzen geliebet vnd geehret/ wie elend vnd verlassen bin ich in der fremdde/ wie bin ich so plötzlich in herzscherliche trawrigkeit gesetzt. Ehe das ich rechnen worden/ was für ein schöne Krone vnd edle Perle mir von Gots bescheret / so ist sie mir vom Heupt wieder abgefallen. Was starke hand hat vns mögen scheiden / so doch vnser liebe nicht gescheiden sein kan. Es müsse der helle liechte Tag schwarz vnd Finster vmb mich sein Es weiche nu von mir ab/ alles was in dieser Welt vor frewd vnd herrligkeit mag gefunden werden. O wer wil mir geben das ich worde finde mein Elend gnugsam zubeklagen. Ich wolte des Nachts gerne weinen/ daß mir die Ehrenen vber die Backen lieffen/ Aber mein schmerz ist so groß/ daß ich ihn nicht auß weinen/ nicht auß reden kan. Wolte Gott/ daß ich nur auch bald zu meinem lieben Herrn durch den Todt kommen möchte/ ach mein schatz/ mein herz/ wie fränckstu mich! ach Gott verlaß mich nicht/ daß ich dich nicht verlasse.

Es sagen nu die hinderlassene F. Brüder vnd Schwester/ vnd alle zugehane/ vnd Berwandten des Hauses Hessen/ Vnser trost ist dahin/ vnd vnser herzen frewde hat ein ende. Darauß wir vns frewten er solte ein grundfeste vnd Seule vnser Fürstlichen stammes sein/ der ist durch ein Erbidem hingefallen. Der vns des Nachts wie der Mond sampt dem Gestirn am firmament leuchten solte/ der ist vns plötzlich
verstor